

Tarikh undur: Pakatan tak boleh perangkap saya
Malaysiakini.com
April 12, 2011

Ketua Menteri Sarawak, Tan Sri Abdul Taib Mahmud berkata beliau tidak akan dibuli bagi menamakan pengagantinya atau mendedahkan tarikh pengundurannya hanya kerana pembangkang mahu beliau berbuat demikian.

Pembangkang tidak boleh perangkap saya. Kita bukan bodoh (untuk memberikan tarikh). Kita akan lakukan dengan cara yang betul," katanya kepada wartawan di Kuching hari ini.

"Saya tidak akan tunduk dengan desakan orang yang tidak mampu menguruskan parti mereka sendiri," katanya.

Taib sepanjang pilihan raya negeri kali ini dibidas pelbagai pihak kerana dikatakan sudah berkhidmat terlalu lama, iaitu 30 tahun dan tidak menunjukkan tanda-tanda akan berundur.

Semalam, Taib berkata beliau akan berundur 'dalam beberapa tahun' meskipun Perdana Menteri, Datuk Seri Najib Abdul Razak mendakwa ketua menteri itu telah bersetuju menyerahkan jawatannya selepas pilihan raya 16 April ini.

Keengganan Taib berundur telah dijadikan modal berkempen kepada pembangkang, di mana pengundi diberitahu bahawa setiap undi kepada BN adalah untuk kepada Taib dan amalan rasuahnya.

Antara dakwaan yang dilemparkan itu termasuk tindakan Taib dan kerajaan BN merampas tanah rakyat untuk keluarganya.

Dakwaan tersebut melibatkan projek kerajaan dan juga persendirian seperti pembinaan empangan hidroelektrik di negeri itu.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/161299>